



UNIVERSITÄTS-
BIBLIOTHEK
PADERBORN

Nucleus Juris Canonici

Thenhaven, Bernhard

Coloniæ Agrippinæ, 1739

XXXII. De Officio Judicis. D. 2.

[urn:nbn:de:hbz:466:1-63382](https://nbn-resolving.de/urn:nbn:de:hbz:466:1-63382)

TITULUS XXXII.

De Officio Judicis.

Post Titulos de Officio Judicum in spe cie subjungitur Titulus de Officio Judicis in genere, quod est duplex, Nobile & Mercenarium. Hoc est, quod deservit propositæ in judicio actioni, (quoniam ex parte actoris supponit ius & ex parte ejus, contra quem intentatur debitum, v.g. solvendi mutuum, restituendi beneficium, &c.) sicut mercenarius deservit Domino. Unde actione in judicium deduētā, quidquid tunc Judex præcipit, prohibet, interloquitur, aut sententiā fieri dicitur ex officio mercenario quod prolatā sive bene sive male sententia definitivā expirat, quia Judex esse desinat, cùm jam officio suo mercenario functus; & executio sententiæ expeditur officio Judicis Nobili, quo nunquam defungitur estque illud, quod propriè non deservit actioni, sed Judex ex officio, auctoritate Juris aut æQUITATE sic suadente exercet.

2. Officium Nobile exercet Judex a motu proprio nemine instante, ut cùm inquirit in delicta, pupillis constituit Tutores, parti litiganti Advocatum, si ob pauperiem aliamve causam illum habere no-

possit. Sic C. 1. h. t. „Pontifex approbat factum Archi-Episcopi, qui parti proponenti, quod habere non posset Advocatum, pro Advocate assignavit Clericum suum domesticum; & quamvis altera pars contra hoc exceperit, mandat tamen Pontifex, ut hoc non obstante ratione præviâ procedat.

3. Vel Judex illud exercet *ad instantiam partis* non habentis quidem actionem, sed implorantis officium Judicis contra certam personam, ita ut necessaria sit causæ cognitio; & tunc imploratio officii succedit loco actionis, de qua C. 2. h. t. decernitur: „Judicis officium, ubi cùm in quinque pro actione proponitur, veluti cùm restitutio in integrum principaliter postulatur, litis contestationem exposcit. Si vero dicta imploratio non fiat contra certam personam, v. g. dum minor petit restitu contra factum suum, ut nimirum licet sibi hereditatem aditam, ex qua læsus est, repudiare; vel si fiat contra personam incertam, v. g. ut fiat inquisitio in furem ignotum; vel quando non est opus cognitione causæ, eò quod haec sit liquida & notoria, v. g. si filius à patre petat alimenta, &c. in his casibus non est opus litis contestatione, sed de plano procedi debet secundum jura.

4. Quæ à Canonistis h. T. traduntur, vide in Nucl. Theol, nempe 1.^{mo} qualem debeat Judex ferre sententiam, quando pro utraque parte est probabilitas? Exam. 3. n. 9. 2.^{do} An possit sententiare juxta allegata & probata contra propriam scientiam? Exam. 8. n. 9. 3.^{to} Anteneatur restituere pecuniam acceptam pro sententia? Exam. 13. n. 2. Quibus addē: licet omnijudicii prohibatum sit acceptare munera litigantibus in ea quantitate, quæ de apta sit inducere corruptionem judicis, potest tamen acceptare xenia, i.e. liberaliter oblata esculenta vel poculenta, quæ paucis diebus arbitrio boni viri taxandi absundi possunt, eò quod ex his minutis non præsumatur inflecti animus boni viri ut etiam sportulas a consuetudine affigatas in supplementum salarii, quia immo cogitur militare suis stipendiis etiam in Ecclesia, juxta Apostolum 1 Cor. 9.

TITULUS XXXIII.

De Majoritate & Obedientia.

MAJORITAS est excellentia seu prærogativa unius personæ præ alia, omniisque vel ratione *Dignitatis*; sic Papa est major omnibus; Cardinalis etiam non Presbyter cæteris Clericis; vel ratione